

Mary Fonden Kalaallit Nunaannut tikeraassaaq

Mary Fondenip aallartinneqarnerminiilli pissusissamissoortutut Kalaallit Nunaat aamma Savalimmiut suliniuteqarfigisassamisut isigisimavai. Maannakkullu suliniutinut ingerlanneqartunut ilanngullugu pissusissamisoorpoq siulersuisuni Kunngikkormiutut Ataqqinassusillip Kronprinsessip aamma Mary Fondenip allatseqarfiata juunimi Kalaallit Nunaannut tikeraarnissaat.

KØBENHAVN, 6. maaji 2009: Mary Fondenimut siulittaasoq H.K.H. Kronprinsesse Mary Aningaasaateqarfiup allatseqarfia peqatigalugu juunimi Kalaallit Nunaannukassaaq, tamaani ataatsimiinnerit aamma workshopsit ingerlatissallugit. Aningaasaateqarfiup suliuniutigisamini ulloq manna tikillugu peqataatitarisai, imaluunniit siunissami pissusissamissoortutut ilanngutsinniagai maannakkut tikeraarnissamut atatillugu ingerlanneqassapput.

Tikeraarneq ingerlanneqassaaq Kunngikkormiut Kalaallit Nunaata Inuiattut ullorsionnissaanut atatillugu pisortatigoortumik tikeraarnissaat ullualunnik sioqqullugu.

"Kalaallit Nunaat aamma Savalimmiut uagut suliniuteqarfigisassatsinnut ilaapput taamaattumillu suliniutinut aallartitatsinnut pissusissamissoortumik eqqarsaatigineqarsimallutik. Taamaattumik uagut tikeraarnissatsinni siunertaasut pingaarnerusut tassaapput maannakkut suliat ingerlatatta nangeqqinnissaat kiisalu iliuuseqarfigisatsinni marluusuni 'angerlarsimaffinni persuttaaneq' kiisalu 'qinngasaarisarneq aamma toqqissisimaneq' taakkunani ingerlatsisut amerlasuut pingaaruteqartut nutaamik isummersoqatigiinnissaat, taamaaliornitsigut qulakkeerniarlutigu uagut aallartitatta sumiiffinni tulluarsarneqarnissaat kalaallit kulturiannut, aqqissuusseriaasiannut aamma oqaatsinut tunngatillugu", Kunngikkormiutut Ataqqinassusilik Kronprinsesse Mary Kalaallit Nunaannut tikeraarnissaq pillugu oqarpoq.

"Uagut neriutigaarput tikeraarnitsinni annertunerusumik ilikkagaqarumaarluta, qanoq ililluta ataatsimoorluta pitsaanerpaamik iluatsikkusutatta amerlasuut tapersersueqatigiiffiginnaanerinut kiisalu kalaallit meeqqeriviini aamma atuariiini qinngasaarisarnerup pinaveersaartinneqarnissaanut ingerlatsinissamut pilersaarutitsinnut tunngatillugu. Tamatumunnga ilutigitillugu neriutigaarput tikeraarneq tunaartareqatigiilluni oqaloqatigiinnermut ilapittuutaajumaartoq pilersaarutinut pioreersunut kiisalu paasinninnerunissamut ajornartorsiummut annertuumut, tassalu angerlarsimaffinni persuttaasoqartarnera taamaattuummat", Birgitte Hagemann Snabe, Mary Fondenimi pisortaq oqaluttuarpoq.

Mary Fondip aallarniineratigut qangali Kalaallit Nunaanni meeqqanut qimarnguinniittartunut agguaanneqartalereerput atortussat assigiinngitsut pisariaqartinneqartut soorlu pingussat, atuakkat allallu. Tamakku tassa Mary Fondenip angerlarsimaffinni persuttaasoqartarneranut tunngatillugu suliniuteqarfigisaani iliuutsinut ilaapput. Tamakku suliniuteqarnerit pissusissamissoortutut ingerlanneqarput Danmarkimi, Kalaallit Nunaanni Savalimmiunilu. Qinngasaarisarnermut aamma toqqissisimanagermut suliniutiginiakkanut tunngatillugu Danmarkip killeqarfiata avataani suli saqqummiussisoqanngilaq.

Tusagassiutinit attaveqarfissat

Mary Fonden

Direktør Birgitte Hagemann Snabe
Tlf.: 45 27 30 20
Mail: bhs@maryfonden.dk

Mary Fonden

Projektchef Helle Østergaard
Tlf.: 45 27 30 20
Mail: ho@maryfonden.dk

Mary Fonden pillugu tunuliaqutaasutut paasissutissat kiisalu suliarisai pillugit paasissutissat sukumiinerusut uani takuneqarsinnaapput: www.maryfonden.dk.